

Agent visokog predstavnika za RTV sistem donio Odluku o likvidaciji RTV BiH

U skladu sa Odlukom Visokog predstavnika iz maja 2002. godine u pogledu likvidacije RTV BiH, najavljeno je da je proces likvidacije okončan donošenjem Odluke agenta za RTV sistem/likvidatora o likvidaciji RTV BiH. U skladu sa Odlukom, likvidator je izvršio dodjelu svih sredstava, obaveza i tehničkih resursa bivšeg emitera.

Da bi se ostvario cilj koji predstavlja sastavni dio Druge odluke Visokog predstavnika o restrukturiranju javnog radiotelevizijskog sistema u BiH, a odnosi se na stvaranje ekonomski i tehnički održivih radio i televizijskih preduzeća, sva sredstva, obaveze i veliki dio tehničkih resursa RTV BiH dodijeljeni su Javnom radiotelevizijskom servisu BiH (JS BiH). Radioteleviziji Federacije BiH (RTV FBiH) pripala je prijenosna mreža koju trenutno koristi za emitiranje svog programa. U skladu sa Drugom odlukom, treći emiter u okviru Javnog radiotelevizijskog sistema, Radio-televizija Republike Srpske (RTRS) nije bila uključena u ovaj proces.

Odlukom o likvidaciji se traži od JS BiH da odmah izvrši prijenos prava raspolaganja svom imovinom i tehničkim resursima na Media centar JS, te se od JS BiH i RTV FBiH zahtijeva da pravo raspolaganja nad odgovarajućim prijenosnim mrežama odmah prenese na Korporaciju za prijenos JS. Media centar i Korporacija za prijenos JS će nakon svog formiranja imati operativnu i rukovodnu nezavisnost kako bi uspješno i efikasno pružali usluge cjelokupnom Javnom radiotelevizijskom sistemu i pristupili sklapanju ugovora sa svojim članovima u cilju ispunjavanja njihovih administrativnih, produkcijskih i emitorskih zahtjeva.